

DR. M: ORANG MESTI BERFIKIRAN

(P)

U.M. - 7 NOV 1992
KUALA LUMPUR
6 Nov. — **Presi-**
den UMNO, **(Dato'**
Sri Dr. Mahathir **Mo-**
hamad menegaskan,
beliau tidak mahu
orang Melayu **sela-**
ma-lamanya **bergan-**
tung kepada kuasa
politik untuk **menca-**
pai kemajuan.

Sebaliknya, beliau mahu
mereka berfikiran besar (think
big) dengan membentuk **buda-**
ya niaga baru sejajar dengan
iklim perniagaan semasa dan
berani mengambil risiko.

Ketinggalan

Katanya, mereka yang tidak
sanggup menerima kenyataan
ini akan ketinggalan.

Berucap **pada** Perhimpunan
Agung UMNO 1992 di **sini** hari
ini, beliau menegaskan, **keraja-**
an tidak boleh terus **menga-**
malkan pendekatan dahulu
membantu bumiputera becara
perseorangan untuk menjadi
peniaga dan pengusaha kecil
yang hanya mampu **mempere-**
lehi sedikit pendapatan.

[UCAPAN PENUH LIHAT
MUKA 12 DAN 131.

Sebalik **ya**, tegas Dr. Maha-
thir, pendekatan yang lebih se
suai sekarang ialah membantu
syarikat dan pelabur bumipu-
tera yang berpotensi dan ber-
daya maju berniaga atau beru-

saha secara besar-besaran.

Dr. Mahathir menegaskan,
orang Melayu dan bumiputera
bernasib baik kerana dalam
arena politik mereka masih ku-
at dan boleh melindungi ke-
pentingan mereka.,

"Kita masih mempunyai kua-
sa politik . . . kuasa politik me-
rupakan satu tongkat bagi
orang yang tempang dalam bi-
dang-bidang **lain**," katanya.

Bergantung

Bagaimanapun, tegas Dr.
Mahathir, orang Melayu tidak
seharusnya bergantung **kepa-**
da kuasa politik **semata-mata**.

"Mereka yang **mengguna-**
kan tongkat sepanjang masa
akan menjadi semakin lemah
kerana anggota mereka tidak
digunakan sepenuhnya dan
akan **hilang** upaya.

"Tongkat hanya berguna
dan harus diguna untuk meng-
atasi kelemahan yang **semen-**
tara dan apabila sudah pulih,
tongkat mesti dilepaskan dan
kita berdiri di atas kaki sendi-
ri" tegasnya.

Perdana Menteri berkata,
dengan- **keupayaan itu orang**
Melayu akan **meningkat** dan
mengimbangi kaum-kaum la-
in.

Dr. Mahathir mengingatkan
kembali orang Melayu **tentang**
kejadian **pada** tahun 1987 di
mana kuasa politik mereka
hampir hilang.

Katanya, **ada** antara orang
Melayu yang begitu tamak
sehingga sanggup bersubahat

LIHAT MUKA 2

MELAYU
BESAR

DR M: ORANG MELAYU MESTI BERFIKIRAN BESAR

U.M. - 7/11/82

dengan orang lain untuk mengincar kuasa politik kaum bangsa mereka sendiri.

"Alhamdulillah, tindakan itu gagal dan kuasa politik orang Melayu dan bumiputera dapat dipulihkan semula, tetapi di patah kita pastikan bahawa ketamakan kuasa ini tidak akan menyebabkan berulangnya peristiwa 1987 dan apakah kita boleh yakin bahawa kali ini tongkat orang Melayu tidak akan patah dan terus hilang," katanya.

Menyentuh tentang kedudukan ekonomi orang Melayu, beliau menegaskan, sama ada disukai atau tidak, bumiputera perlu memasuki pemiagaan dan perusahaan besar untuk mengimbangkan pembangunan bumiputera.

"Perubahan ini tidak dapat dielakkan dan mereka yang terpengaruh dengan sentiment dan nostalgia cara hidup yang tradisional akan menangis," katanya.

Dr. Mahathir berkata, hakikatnya ialah orang Melayu dan bumiputera perlu membentuk budaya baru yang lebih sesuai dengan iklim pemiagaan zaman ini yang mempunyai lebih risiko dan kecanggihan-nya.

Kata Dr. Mahathir, masanya sudah tiba untuk orang Melayu dan bumiputera menerima semua ini.

Beliau berkata, selagi orang Melayu berfikir dan berusaha secara kecil-kecilan, selama itulah niereka akan miskin dan mundur.

Kerajaan katanya, akan merangka strategi dan membuat persiapan secara terperinci un-

tuk memandu bumiputera supaya dapat beralih daripada perniagaan dan perdagangan dunia lama kepada perniagaan dan perdagangan gergasi.

Dr. Mahathir berkata, bumiputera sendiri perlu sedar atau disedari akan perlunya perubahan dan bumiputera sendiri mestilah sanggup berubah dan menerima pendekatan yang diperlukan.

Bagaimanapun, katanya, belfikiran besar perlu diiringi dengan kemampuan modal yang besar, kejujuran dan amanah, kecekapan mengurus dan pengalaman yang boleh menyakinkan pelanggan dan institusi kewangan.

Tambah Dr. Mahathir, peng- usaha yang dahulunya memohon lesen untuk sebuah teksi tetapi hari ini memohon seratus buah tidak boleh dikatakan sudah menyerap budaya think big.

Beliau mengingatkan ahli-ahli UMNO bahawa mereka kini hidup pada zaman gergasi di mana keadaan telah berubah di mana manusia kerdil tidak mungkin berjaya dalam masyarakat gergasi.

Bagi tujuan ini, katanya, modal besar diperlukandan penyeliaan yang cekap juga diperlukan dan kerap kali pengurusan profesional terpaksa diambil.

Dr. Mahathir, menegaskan, bumiputera perlu memasuki semua jenis pemiagaan secara tersusun, teratur dan besar-besaran.

"Tidak harus ada sesiapa yang berasa kecewa kerana sudah ada syarikat-syarikat yang besar dalam sesuatu bidang.

"Masukilah bidang lain yang tidak kurang penting bagi sesebuah ekonomi yang canggih dan adalah tidak bijak menumpu kepada bidang-bidang yang sudah disertai oleh ramai bumiputera," katanya.

Beliau juga menegaskan, bagi pemiagaan kecil yang tidak difrancaiskan pembaharuan perlu dibuat supaya sesuai dengan zaman.

"Kedai pondok berbumbung plastik di tepi jalan yang tidak disewa perlu digantikan dengan kedai yang lebih tegap milik sendiri atau yang disewa," katanya.

Dr. Mahathir berkata, konsep lama iaitu modal hanya untuk barangan yang hendak dijual tanpa apa-apa overhead perlu dibuang kerana konsep ini yang menyebabkan pemiagaan bumiputera tidak dapat membesar.

Beliau berkata, ramai bukan bumiputera sudahpun meninggalkan sistem pemiagaan keluarga atau family business untuk mengamalkan sistem korporat besar dunia moden.

Dr. Mahathir menegaskan, Malaysia tidak mungkin menjadi pengeksport getah, kelapa sawit dan koko yang besar jika tidak kerana ladang-ladang yang besar.

"Sebab itulah kerajaan mengadakan FELDA untuk menentukan peneroka mendapat manfaat daripada ladang yang diuruskan sebagai ladang besar.

"Jika peneroka diberi tanah 10 ekar untuk diusahakan sendiri sebagai pekebun kecil, kemiskinan peneroka pasti tidak akan dapat diatasi," tegasnya.